

آبونه اولمق ایستینلر دائره عدلیه ده
اداره مخصوصه سنه مراجعت
ایتملیدر

اعلانانک بهرنندن بر مجیدیه اخذ
ایدیلور

نسخه سی ۴۰ پاره در

فکرانک محاکمه

منه لکی در سعادت ایچون مجیدیه
یکرمی غروش حسابیه التمش
غروشدر

طشره ایچون پوسته اجرتی اوله رق
اون بش غروش ضم اولنور

نسخه سی ۴۰ پاره در

هفته ده ایکی دفعه جمعه ایرتسی و چهارشنبه کونلری نشر اولنور. محتویاتی امور عدلیه متعلقدر

تبلیغات

اعلامات جزایه مصارف محاکمه سیله محکوم به
تضمیناتک استیفاسی ضمننده محکوملردن اولجه حبس
اولنان شخصک اتفاقی ایچون مدعی شخصیدن النان
اچقه نک دخی جرمده اشتراکی بولنان دیگر محکومدن
تحصیلی لازم کلوب کلیه جککک استفساری متضمن
انقره ولایتی استیناف محکمه سی مدعی عمومیلکنندن
وارد اولان شقه ایله ملفوقاتی اوزرینه انجمن عدلیه دن
تنظیم واعطای قلنان مذکرده: جرآنمندن متولد
حقوق شخصیه دعوالرنده تضمینات اعطاسیله محکوم
اولان شخصک تضمینات محکومه نی اعطایده مامسندن
ناشی قانوناً حبسی حالنده مدعی شخصی طرفندن
ویریلان نفقه نک مصارف محاکمه دن معرودتی جهتیه
محکومدن تحصیلی خرج تعرفه سنک جمله احکامندن
اولسنه وجرمده اشتراکی اولانلرک تضمینات و مصارف
سائر ايفاسنده کفیل بالمال قاعده سنه تطبیقاً یکدیگرینک
کفیلی اعتبار اولنور رق برینک قدرتی اولمدینی
حاله قدرتی اولاندن اخذ و تحویل قلنه جنی جزا
قانوننامه هایوننک قرق التنجی ماده سنک صراحتی
ایجابندن بولنسنه نظراً سالف الذکر نفقه بدلتک
دخی جرمده کی اشتراکنه و کفالت مالیه سنه بناء
تضمینات بدلدن مسئول اولان دیگر محکومدن تحصیلی
اقتضا اید جککک جواباً مذکور مدعی عمومیلکه
تبلیغی افاده اولو جهله عدلیه نظارت جلیله سندن
محله اشعار ماده قلنمشدر.

محاکمه مفسرالت

محکمه تمیز استدما دائره سندن تنظیم
واعطای قلنان اعلامدر:

سیواس ولایتی استیناف محکمه سی جزا دائره سندن
لاحق اولوب ۶ کانون اول سنه ۳۲۱ تاریخده تفهیم
ایدیلان مرور زمان قرارینی حاوی اعلامک تمیزی

ایجابی لدی المذاکره محکمه استینافیه جه اورمان
مأموری طرفسندن طوتیلان ضبط ورقه سنک
مندرجاتی اعلامه درج ایتک و برده التنده امضالری
بولنلرک افاده لرینه مراجعت اولنق لازم کلورایکن
بوجهندن ذهول ایله حسین حقنده کی ادعاده مرور
زمان حاصل اولدیغندن بخله استماعی غیر جائزایدوکنه
قرار ویرلمسی یولسز و مخالف قانون اولدیغندن
اصول محاکمات جزایه قانوننک اوچیزاون دردنجی
واوچیز اون طقوزنجی ماده لری احکامنه توفیقاً
اعلام مذکورک مرقوم حسین عاند فقره حکمیه سنک
نقضه و تمیز اعلامی خرجی اولان ایکیبوز غروشک
اورمان اداره سندن اخذ واستیفاسنه ۸ اغستوس
سنه ۳۲۲ تاریخنده اکثریتله قرار ویرلدی.

شکری افندی نی قتل قصدیه جرح ایلدیکی
ادما اولنسنندن دولای جنایتله اتهام اولنان خواجه
یوسف اوغلی حمزه نک بش سنه مدته کورکه
قولنسنه دائر قوصوه ولایتی استیناف محکمه سی جزا
دائره سندن اعطای قلنان ۵۵ نومرولی اعلام
دولکر دیمتری قسطنطی لوندی نی قتل ایلدیکی
ادما اولنسنندن دولای جنایتله اتهام اولنان پنا یوط
ولد لامبو دوبره نک اون بش سنه مدته کورکه
قولنسنه دائر مدلاو سنجانی بدایت محکمه سی جزا
دائره سندن اعطای قلنان ۲۶۴ نومرولی اعلام
نوره قوبلی زینب بنت حسنی قتل ایلدیکی ادما
اولنسنندن دولای جنایتله اتهام اولنان زوجی
حسین بن محمدک اون بش سنه مدته کورکه قولنسنه
دائر سیروز سنجانی بدایت محکمه سی جزا دائره سندن
اعطای قلنان ۷۱۲ نومرولی اعلام
خرستو ولد کورکینک کیفیت قتلندن دولای
جنایتله اتهام اولنان یوصف ولد صالمونک اون بش
سنه مدته کورکه قولنسنه دائر سلانیک ولایتی استیناف
محکمه سی جزا دائره سندن ویریلان ۳۰۷ نومرولی
اعلام محکمه تمیز جزا دائره سنججه تصدیق قلنمشدر.

مستدعی محلی اورمان اداره سی دعوی وکیلی طرفندن
ویریلان ۱۰ کانون اول سنه ۳۲۱ تاریخلی استدنامه
واوراق متفرعه سی باش مدعی عمومیلک مأموریت
بهیه سنک ۱۷ تموز سنه ۳۲۱ تاریخلی تبلیغنامه سیله
محکمه تمیز استدما دائره سنه تودیع اولنقله لدی التدقیق
استدنامه مذکورک مظلونلردن اسماعیل و عبد الله
عاند جهتنک بالقبول جزا دائره بهیه سنه ارسالی
ضمننده مذکره تسطیر اولنمش وحسینه متدائر جهتی
مدت قانونیه سی طرفنده ویرلدیکی اکلشلمش اولدیغندن
اوراق مرقومه دائره جه قرائت و مطالعه اولندی.
اعلام مذکورک مالی توقاد اورمانندن بلارخصت
اشجار قطع ایتدکاری ادعاسیله مظلون علیهم اولان
حسین و اسماعیل و عبد اللهک عدم مسئولیتلرینه دائر
بدایت ویریلان قرارک استیناف ایدلمسی اوزرینه
جریان ایدن محاکمه استینافیه ده مظلونلردن حسینک
مذکور اورمانندن تاریخ دعواند برسنه اول حطب
قطع ایتدیکی و اسماعیل و عبد اللهک اغاج قطع ایتیه رک
آخرلرینک قطع ایلدکاری اغاجلری کتیرمش اولدقلری
استماع اولنان شهودک اخباریه نمایان اولسنه و ضبط ورقه
سنک اصولسز تنظیم ایدلمش بولنسنه نظراً شایان ونوق
واعتماد اوله مدیغنه و حسین حقنده کی ادعاده مرور
زمان واقع اولسنه بناء استماعی غیر جائزایدوکنه و اسماعیل
ایله عبد اللهک دخی سالف التذکار اغاج قطعی ثابت
اوله مدیغندن مرقومانکده برائت لرینه قرار ویرلدیکندن
ومذکور استدنامه به مربوط لایحه ده مندرج
اعتراضاتک خلاصه سی دخی ضبط ورقه سی ۱
اغستوس سنه ۳۱۹ تاریخیه مورخ بولندینی حالده
۱۱ اغستوس سنه ۳۱۹ تاریخنده اقامه دعوی اولنمش
وشو حالده جرمک وقوعی تاریخندن بالاعتبار هنوز
اوچ ماهی تجاوز ایتدیر مکسزین یعنی مرور زمان
وقوع بولمقسزین اقامه دعوا به تشبث ایدلمش اولدینی
حاله بوجه محرر قرار ویرلمسی مفاير نظام اولدیغندن
وسائر دن بخله مذکور اعلامک نقضی طلبندن
وتبلیغنامه نک مفادی دخی قرار مذکور موافق
قانون بولنمش اولدینی بیانندن عبارتدر.

دوسمادت جنایت محکمه سندن اعطا قلنان

اعلامدر :

اوجیوز یکریمی برسنه سی اغستوسنک یکریمی بشنچی جمه کونی ترکیجی محمد ادی وسنه مذکوره تشرین اولنک اوجنچی بازار ابرسی کیجیسی آراهه جی یونسی جرح و قتل ایدلکاری اداسیله مظنون علیهم اولان و طواق بازارنده اقامتله قصابلی ایدن یکریمی ایکی یاشنده اماسیله احمد بن عمر و یکریمی بریاشنده اکتیلی توفیق بن احمد و کذلک یکریمی بریاشنده واکیلی حسین بن علینک جنایتله اتهاملرینه دائر هیئت اتهامیدن تنظیم قلنان مضبطه ایله استیناف مدعی عمومیلکنک ۸ مارت سنه ۳۲۲ تاریخ و ۹۲۷ نومرو لی اتهامنامه سی اوراق متفرعه سیله برابر محکمه جنایت تودیع قلمغه بالمطالعہ تفصیلاتی اولبابده طویلتان ضبطنامدن مستبان اوله جی اوزره اصول محاکمات جزایه قانوننک باب نایسنک فصل رابعده محرر اولان معاملات ابتدایه بعد الاضا متهم احمد و توفیق و حسینک اجرای محاکم لری ایچون مارنک یکریمی سکرتیجی صالی کونی تعیین قلوب یوم مذکورده متهمون مرقومون علی الاصول توقیفخانه دن کتوردیلرک و مدافعه وکیللری حدی و نجانی افندیلر واستیناف مدعی عمومی معاونلرندن عزتلمه بخت بک و مقتول ادبک برادری باب عالی پولیس سیویل مامورلرندن سلیمان ناصح افندی حاضر اولدقلری حالد محاکمه سالونه چیقله رق اجرای محاکمه علیه به مباشرت و متهملر ایله وکیللرینه خطرات لازمه قانونیه ایضا قلدقدن صکره هیئت اتهامیه مضبطه سی و اتهامنامه ضبط کانی عبد الصمد افندی طرفندن قرائت ایدلدی .

مضبطه ده ادبی جرح و قتل ایدلکی اداسیله مظنون علیه اولان احمدک یونسی جرح و قتل ایدلکاری دعواسیله مظنون علیهم اولان مرقوم احمد و توفیق و حسینک افعال مذکوره به مجامع ترندن طولانی مستعلق قرارنامه سنده محرر دلائل و امارات اتهاملرینه کافی کورلش و حرکاتلری قانون جزانک یوز یتیش دردیجی ماده سنک فقره اولاسنه موافق جنایت افعالندن بولنش اولدیفندن جنایتله اتهاملرینه قرار ویرلدیکی محرر و اتهامنامه ده دخی مرقومونک مضبطه مذکوره مندرجاتی وجهله اتهام ایدلکاری مسطر در .

اتهامنامه نک خلاصه سی جانب ریاستدن متهمون مرقومونه تفهیم و توضیح و معاون مومی الیه جانبدن دخی دعوانک تشریح اولنسی مقبب متهملر سولندیرلرکدرنده بولنردن احمد کندوسی هیچ کیسه ایله منازعه

ایندیکی و هیچ برقادین ایله مناسبی اولدینی کی مقتول ادب و یونسی دخی طایفیدینی و یونسک قتل اولدینی کیجه سکر حال اوله رق قاسمک قهوه خانه سنده اوطور مقده ایکن ظهور ایدن منازعه نی کیدوب پولیسجه خبر ویردیکنی و مقتل اولان قهوه خانه نک ایچی غلبه لک اولسنندن طولانی فعل جرح و قتل کیملک طرفندن ایقاع ایدلکی کورمدیکنی ویا لکنز دیگر متهم توفیق و حسینک منازعه ایستدکری بیان و توفیق مقتول یونسک جرح اولدینی کیجه قهوه خانه ده بولنش ایسه ده کندوسی کیسه ایله منازعه ایتمکدن بشقه مرقوم یونسی جرح و قتل ایلیان شخصی دخی کورمدیکنی اتیان و حسین دخی جریان وقعه دن معلومات و مشهوداتی اولدیفنی درمیان ایدیلر .

مدعی شخصی سلیمان ناصح افندی دن کیفیت صورلدقده وقعه نک صورت جریانشدن معلوماتی اولیسوب الحق مجروح کوردیکی برادری مقتول ایدین سؤالنده متهم قصاب احمد طرفندن جرح ایدلکیکی و عند الارائه متهم مرقومی تعیین ایدلکیکی جوابی الندی .

متهملردن احمد کندوسی ادبی طایفیدینی و مجروحاً یا مقده ایکن کوتوروب کوستردکدرنده کندوسی ایچون مرقوم ادبک بیلیمورم و بالآخره بوکا بکزه بوردیمی و بوالیسه بودر دیو تعیین ایسنک اخطار اولنسی اوزرینه کندوسی ایچون بودر دبدیکی و فقط کندوسی مقتول مرقومی جرح و قتل ایدلکیکی افاده ایدلدی .

بنابرین ۵ ایلول سنه ۳۲۱ و ۳ تشرین اول سنه ۳۲۱ تاریخلی ایکی قطعه ضابطه عدلیه تقریری ایله مقتول ادب و یونسک معاینه لری حاوی طیب راپورلری و مقتوللردن ادبک قبل الوقات ضبط اولنان افاده نامه سی اوقوندیرلدی .

تقریرلردن برحیسنده ۳۲۱ سنه سی ایلولنک بشنچی کونی باب عالی پولیس سیویل مامورلرندن سلیمان افندی مراجعتله ترکیجی ادبک سنه مذکوره اغستوسنک یکریمی بشنچی کونی اماسیله قصاب احمد و ایرانی مجهول بر شخص طرفلرندن باشندن و قلمچسندن جرح ایدیلرک اوبوده کی خانه سنده اسپر فراش بولنش اولدیفنی بیان ایله مرقوم احمدی طوئدرمش و مرقوم احمدک انکار جرم ایتیش ایدوک وایکنجیسنه سنه مذکوره تشرین اولنک اوجنچی بازار ابرسی کیجیسی ساعت الی راده لرنده جنبولی طاشده ابرانی جایی قاسمک بودرومنده آراهه جی یونسک جرح ایدلش اولدیفنک خبر ویرلسی اوزرینه کیدلکده متجاسر لرینک قصاب احمد ایله رفیقلری توفیق و حسین اولدقلری

اکلاشیلهرق در دستله مرکز کتوریلرک اجرا قلنان استجوابات و تحقیق ساند هرنه قدر مرقومون احمد و توفیق و حسین انکار ماده ایتیش ایسه لرده لیله مذکوره ده مرقومون قهوه خانه به کلرک خارجه ده اوطوردقلری صرده دیگر بر شخص ایله کلش اولان مقتول یونسک دخی کیدوب یانلرینه اوطوردقنی ائشاده چالنی پاره سندن و قاری مسئله سندن طولانی مرقوموندن توفیق ایله مقتول مزبور میانه لرنده دبل منازعه سی محدث ایتمکده واره لرینه کیریلرک تقریق ایدلکیکی حالد مقتول مرقوم درون قهوه خانه به کیرمی عقیبنده احمد و توفیق و حسینک دخی دخیوللرنده احمدک یونسی طوقاله ضرب ایتیمی اوزرینه منازعه ظهور ایدلکیکی و بوسره ده یونسک جرح ایدلکیکی و قهوه خانه دروننده احمدک اولدینی اکلاشیلان صغیر برقا بولنش و توفیقک اوزرندن کیر بر عدد قا ظهور ایتیش اولدینی و قتلک توفیق و حسینک معاونتیلرله احمدک ایتیش اولدیفنک اکلاشیلانی اشعار و راپورلرده ادبک صول ناحیه صدغیه و جداریسی پیئنده الت قاطعه ایله حاصل و تشب ایتیش بش سائیمترو طولنده بر جرحه ندیسی و صاغ البوسه سی اوست طرفنده عین التله حاصل درت سائیمترو طولنده و بریحی سائیمترو عرشنده عمقی عضله به قدر بر جرحه و صاغ قرعه حرقیه سنده اوج سائیمترو طولنده عمقی عضله به قدر دیگر بر جرحه کورلش و صاغ ناحیه البوسه سی اعلاسنده کی جرحه سنه فلغمون منتشر طاری اولش و یکریمی کونی متجاوز خسته خانه ده تحت تداویده قالمش ایسه ده جرحه لرینک التهابی اوله رق خسته خانه به دخولندن ناشی اولنان تدای ثمره سز قالمش ایدوکندن مذکور جرحه سی نتیجه سی انتان عضلیدن و یونسک اوجی سیوری ایکی طرفی کسکین برالت قاطعه ایله حاصل صاغ فخذی قم علویسی وسط و قداننده مستعرضاً واقع ایکی سائیمترو طولنده عمقی عضلات دروننه قدر بر عدد جرحه ایله مذکور التک اثنای سینده قدامدن خلفه و حشیدن انسی به و جزئی اسفلدن عالی به توجیه استقامتله سیر ایدرک شریان فخذی قطع ایدوب مبدولاً سیلان دم خارجی وقوعه کلش وصول ناحیه البوسه سی اوزرنده ایکی سائیمترو طولنده عمقی عضلات دروننه قدر منجرراً واقع دیگر بر عدد جرحه وصول فخذی نلک سفلی و وحشیسنده قائماً واقع ایکی سائیمترو طولنده عمقی عضلات دروننه قدر دیگر بر عدد جرحه وینه صول فخذی نهایت سفلی و وحشیسنده ایکی بحق سائیمترو طولنده عمقی عضلات دروننه قدر دیگر بر عدد جرحه وصول الی اهام برمی برنجی مفصل مشطی سلامیسی اوزرنده

سطحی صغیر بر عدد جرحه بولنش اولدینی بیانیله مرقومک دخی صاغ فخذنده کی جرحه سندن حصوله کلان سیلان دم خارجیدن یعنی مذکور جرحه سندن وفات ایتیش اولدقلری ازار قلنمشدر .

(مابعدی کلجک نسخه به)

مانولک میخاک قنطاری سرق ایلدکیکی ثابت اولدیفندن سکر آی حبسنه یکدیگری ضرب ایدن فاطمه ایله دیگر فاطمه نک بر هفته حبسلرینه زاخاریانک طاشونی ضرب ایلدکیکی ثابت اولدیفندن اون کون حبسنه

طاهری ضرب ایتدیککی ثابت اولان احمدک بر هفته حبسنه عیسانک باولی ضرب ایتدیککی ثابت اولدیفندن بر هفته حبسنه

محمد افندی ضرب ایتدیککی ادعا اولنان فخری افندی ک حرکتی ثابت اولمغه برالتون الهرق مدعی به اعطاسنه

محمد بن احمدی ضرب ایتدیککی ادعا اولنان ایساکک حرکتی ثابت اولمغه بر هفته حبسنه مصطفانک لیقوری ضرب ایتدیککی ثابت اولمغه بر هفته مدله حبسنه

مصطفای ضرب و جرح ایتدیککی ثابت اولان حاجی حلیمدن برالتون الهرق مدعی به اعطاسنه درسمادت ، بک اوغلی و اسکدار بدایت محکمه لری جزا دائره لرینجه قرار ویرلشدر .

محاکمات نایله الهیه

کسکین قضای بدایت محکمه سی مستنطقی اعضادن اسماعیل افندی ک مواد معینه ده وظیفه ماموریتی سوه استعمال ایدلکیکی آقره ولایتی استیناف محکمه سی مدعی عمومیلکنسندن وارد اولان اوراق تحقیقیه محتویاتندن اکلاشملغه عزنه و تحت محاکمه به آئسنه عدلیه نظارت جلیله سندن مأذونیت ویریلرک محله تبلیغات لازمه اجرا قلنمشدر .

انطا که قضاسی نای و بدایت محکمه سی رئیس محمد منیر افندی ایله محکمه مذکوره اعضای سابقه سندن فائق افندی ک مواد متنوعه قانونیه خلاف اصول وقانون معاملات متجاسر اولدقلری حلب واطنه ولایتلری عدلیه متشکلکندن کوندریلان

اوراق تحقیقیه مندرجانندن اکلاشملسنه مبی مومی الهمانک اجرای محاکمه لرینه عدلیه نظارت جلیله سندن مأذونیت ویریلرک حلب ولایتی استیناف محکمه سی مدعی عمومیلکنسه تبلیغات مقتضیه قانونیه اجرا و طرف سائی مشیختساهی یه ده معلومات اعطا قلنمشدر .

اعلانات

درسمادت منایت محکمه سنده :

بیک اوجیوز یکریمی برسنه سی تشرین اولنک یکریمی یدنجی کیجیسی قرتال قضاسنه تابع مالته قریه سنده ساکن درجی استراطی و طومه نک دربخانلری قیوسی کلیدینک تعلیق اولدیفنی حلقه نی کسهرک ایجرویه بالدخول یوز الی قیه مقداری یوک اخذ و سرق ایدلکاری اداسیله متهم اولان و مقدما قریه مذکوره ده مقیم ایکن فرار ایدن اورته بوبلی ، قره بیق و قاشلی ، و اسمر بکزی اوزو یجی قره محمد و تیمور بول عمله سندن اوزونجه بوبلی ، صاری بیقلی ، الاکوزلی ، صاریجه بکزی کاخلی کرد مسلم ایله اورته بوبلی ، ضعیف البیه ، قره بیق و قاشلی کنگریلی مصطفی در دست ایدیله مامش اولدقلرندن تاریخندن اعتباراً جانب ریاستدن کندولرینه مجدداً اون کون مهل اعطا قلنمشدر مهل معین طرفنده مرقومان کلدکاری حالد قانونه اطاعت ایتماش نظرله باقیله رق حقوق مدنی دن اسقاط قلنه جقلری وعلیه لرنده دعوا به قیام اولنه جینی و بوسره ده برکونه ادعایه حققلری اوله میه جینی و ماللرینک حیز التله اله جینی و بالجله ضابطه عدلیه مامورلرینک کندولری طومغه مجبور بولندقلری کی معاملات حیزیه حقنده دخی مدعی عمومیلک تبلیغات مقتضیه اجرا ایدلکیکی جهته اصول محاکمات جزایه قانوننک اوجیوز یتیش برنجی و اوجیوز یتیش ایکنجی ماده لرندن استنباط اولنان احکامه توفیقاً اشبورقارنامه بالتظیم اعلان اولنور .

اوجیوز یکریمی ایکی سنه سی تموزینک اون ایکنجی کیجیسی شله قضاسنه تابع بکی کوی اشاغی محله سنده استاوری نی جرح و قتل ایدلکیکی اداسیله متهم اولان و اوزون بوبلی ، صاری بیق و قاشلی ، قوری وجودلی ، بیاض بکزی اوتوز بش یاشنده اولوب مقدما شله قضاسنه تابع بکی کوی اشاغی محله سنده مقیم ایکن فرار ایدن فاجو اوغلی فلیب در دست ایدیله مامش اولدیفندن تاریخندن اعتباراً جانب ریاستدن کندوسنه مجدداً اون کون مهل اعطا

قلنمشدر مهل معین طرفنده مرقوم کلدکیکی حالد قانونه اطاعت ایتماش نظرله باقیله رق حقوق مدنی دن اسقاط قلنه جینی وعلیه لرنده دعوا به قیام اولنه جینی و بوسره ده برکونه ادعایه حق اوله میه جینی و اموالنک حیز التله اله جینی و بالجله ضابطه عدلیه مامورلرینک کندوسی طومغه مجبور بولندقلری کی معاملات حیزیه حقنده دخی مدعی عمومیلک تبلیغات مقتضیه اجرا ایدلکیکی جهته اصول محاکمات جزایه قانوننک اوجیوز یتیش برنجی و اوجیوز یتیش ایکنجی ماده لرندن استنباط اولنان احکامه توفیقاً اشبو قرارنامه بالتظیم اعلان اولنور .

تجارت بحیره محکمه سنده :

درسمادته قاضی مسکر خانی اتنده مقیم تجارتدن میوحاس فرسقونک ۲۲ تشرین ثانی سنه ۳۲۲ تاریخندن اعتباراً اعلان افلاسنه و مصالح افلاسیه نک رؤیت و تسویه سی ضمتنده اعضای محکمه دن سعدتو ابراهیم بکک ژورقو میسر و دعوی وکیللرندن عثمان طلعت بکله اغوب بحری افندی ک موقت سنندیک تعیینلرینه و مغازه سیله اشای زانده یتیه سنک تمهیرینه و اوراق و دفاترینک جلبنه و کفالت مصدقه اراده اولنه مدیغی تقدیرده حبس و توقیفنه و بوباده کی قرارک موقه اجراسنه تجارت بحیره محکمه سنجه قرار ویرلش اولدیفندن قانوننامه تجارتنک ۱۷۰ نجی ماده سی موجبجه دائمی سنندیکر انتخاب اولنق اوزره کانون اولک یدنجی بخشیه کونی ساعت یدی راده لرنده اصحاب مطلوبک محکمه مذکوره نک مصالح افلاسیه رؤیتنه مخصوص اوطسنه کللری اعلان اولنور .

استانبولده بکی قبوده مقیم حطب تجارتدن مولود اغا ایله سرکه جیده قاضی مسکر خاندنه مقیم صراف اغیا سمرجیانک خصوصات افلاسیه لرینک رؤیت و تسویه سی ضمتنده دعوی وکیللرندن رسائی بک ایله سرکز آجیان افندی اصالة سنندیک تعیین قلنش اولدقلرندن مفلس مرقوم ذمتنده اله جینی اولانلرک قانوننامه تجارتنک ۱۹۹ و ۲۰۰ نجی ماده لری موجبجه تحقیق دیون ایچون تاریخ اعلاندن اعتباراً یکریمی برکون طرفنده سننداتی محکمه کابینه تسلیم ایللری ومدت مذکوره ختامندن صکره اوج کونده یعنی ۳۲۲ سنه سی کانون اولنک اون التنجی جمه ابرسی اون سکرتیجی بازار ابرسی و اون طقوزنجی صالی کونلری تجارت بحیره محکمه سنک مصالح افلاسیه رؤیتنه مخصوص اوطسنه کلرک سنندیک افندیلر مواجهه سننده اله جقلری اثبات وقید و تصدیق

ايتديرملرى ومدت مذكوره اثبات وجود ايدىميان
الهجقورلر حقنقه قانون مذكورك ٢١٠ نجي ماده سنه
توفيقاً ايفاي معامله اولنه جنى اعلان اولنور .

اطنه تجارت محكمه سنده :

موقتاً حميديده بولنسان مانيفاطوره تجارندن
اطنلى سرگز اغازاريانك ٦ اغستوس سنه ٣٢٢
تاريخندن اعتباراً اعلان افلاسنه ومصالح افلاسيه نك
رؤيت وتسويه سى ضمننده اعضاى محكمه دن رفعلو
محمود افنديك ژورقوميصر ودعوى وكيللرندن
خچير افنديك موقت سنديك تعيينلرينه واطنه ده
وحميديده بولنان اموال موجوده سيله اشياى زائده
بيتيه سنك تمهيريده واوراق ودفاترينك جلبنه وكفالت
مصدقه ارانه ايدىمديكى تقديرده حبس وتوقيفه
وبوبابده كى قرارك موقتاً اجراسنه اطنه تجارت
محكمه سندن قرارويرلمش اولديغندن قانوننامه تجارتك
١٧٠ نجي ماده سى موجبجه دائمي سنديكلر انتخاب
اولنق اوزره اشبو تشرين ناينك يكرمى طقوزنجى
كونى ساعت التى راده لرنده اصحاب مطلوبك محكمه
مذكوره نك مصالح افلاسيه رؤيته مخصوص اوطه سنه
كللى اعلان اولنور .

اطنه تجارت محكمه سندن افلاسنه قرار ويرلمش
اولان كركور بدويان واولادينك خصوصات
افلاسيه سنك رؤيت وتسويه سى ضمننده دعوى
وكيللرندن كريا قوافندي اصالة سنديك تعيين قلنمش
اولديغندن مفلس مرقومان ذمتنده الهجنى اولانلرك
قانوننامه تجارتك ١٩٩ و ٢٠٠ نجي ماده لرى موجبجه
تحقيق ديون ايچون تاريخ اعلاندن اعتباراً يكرمى
بركون ظرفنده سنديكى محكمه كاتبه تسليم ايللرى
ومدت مذكوره ختامندن صوكره اوچ كونده يعنى
اشبو ٣٢٢ سنه سى كانون اولنك بشنجى صالى والتنجى
چهارشنبه ويدنجى پنجشنبه كونلرى محكمه مذكوره نك
مصالح افلاسيه رؤيته مخصوص اوطه سنه كلرك
سنديك مومى اليه مواجهه سننده الهجقورلرى اثبات
وقيد وتصديق ايتديرملرى ومدت مذكوره اثبات
وجود ايدىميان الهجقورلر حقنقه قانون مذكورك
٢١٠ نجي ماده سنه توفيقاً ايفاي معامله اولنه جنى
اعلان اولنور .

اطنه ده صاج بدستمانده مانيفاطوره تجارتيله
مشغول ايكن اطنه تجارت محكمه سندن افلاسنه حكم
ايدلمش اولان خچاطور عواديكيان ذمتنده الهجنى
اثبات ويا موقتاً قبول وقيد ايتديرملش اولان

الهجقورلر قانوننامه تجارتك ٢١١ نجي وآنى ولى
ايدن ماده سى موجبجه مفلس طرفندن تكليف
اولنه جق قوتقورداتونك مذاكره سى ايچون شهر
كانون اولك ايكننجى جمعه ايرتسى كونى محكمه مذكوره نك
مصالح افلاسيه رؤيته مخصوص اوطه سنه كللى
اعلان اولنور .

طبريزده مركز تجارت محكمه سنده :

طبريزنده بانق عثمانى جوارنده تحفجى قسطنطينديس
علكساندر ووسك تعطيل تاديات ايلسنه مبنى قانون
تجارتك يوز اللنجى ماده سنه توفيقاً اعلان افلاسنه
ومصالح افلاسيه سنك رؤيتي ضمننده اعضادن پروات
افنديك ژورقوميصر ودعوى وكيللرندن سقراطى
افنديك موقت سنديك تعيينلرينه وتجارتيكاهيله
اوراق واشيا ودقار موجوده سنك تمهيريده ونفسنه
كفيل ارانه ايدىمديكى صورتده حبس وتوقيفه
طبريزون تجارت محكمه سنججه قرار ويرلمش اولديغندن
قانون مذكورك يوز يتمنجى ماده سى وجهله دائمي
سنديك انتخاب ايچون بيك اوچوز يكرمى ايكنى سنه سى
تشرين اولك اوتوزنجى بازار ايرتسى كونى ساعت
التي راده لرنده اصحاب مطلوبك محكمه مذكوره نك
مصالح افلاسيه رؤيته مخصوص اوطه سننده متشكل
ماسيه كللى اعلان اولنور .

بك اوغلى بيات محكمه سى اجرا داره سنده :

خزينة خاصة شاهانه نظارت عليه سنك بك اوغلنده
مكتب سلطاني اتصالنده كائن عقارات سنه دن ايكييوز
اللى بش نومرولى برباب دكانك مستأجرى باغچوان
اوغلى بميقو نام ديكر ديمتراكى ذمتنده بك اوغلى
برنجى حقوق محكمه سى اعلاميله بدل ايجاردن اصالة
وكفالة الهجنى اولان اوتوز بر بيك طقوز يوزبش
غروشك مع فائض ومصارف محاكمه استيفاسى ضمننده
مديون مومى اليه عهده تصرفنده اولوب حجى
ايديلان وبالمزايده فروخى حكم اعلام اقتضاسندن
بولنان غلطه ده حاجى اعلى محله سنده اسكندر جاده
سنده اون سكر وىكرمى نومرولى تخميناً التمش بر
آرشون اون سكر برقى عرصه اوزرينه مبنى كاركي
اوله رق درت قاتلى انشا التمش التمش اوطه لى
واوست قاتلرنده بر تراچينى شامل وزمين قاتلرنده
بر مطبخ وبرر صهرنجى ويا لكز يكرمى نومرولى
خانه ده برده قيوى وارقه جهتلرنده بر مقصدار
نچره ايدىلقلرى حاوى ومجموعى شهرى يدييوز
التمش غروش بدل ايجاره متحمل ايكنى باب خانه نك
نصف حصه شايه لرى لى المزايده اوتوز بيك غروش

التون ايقه بدل ايله طالبى عهده سننده تقرر ايتمش
اولديغندن تاريخ اعلاندن اعتباراً اوتوز بركون ظرفنده
يوزده بش ضميمه طالب اولانلرك بك اوغلى بدايت
محكمه سى اجرا دائره سنه مراجعت ايللرى ووتوز
برنجى يعنى شهر كانون اولك اون التنجى جمعه ايرتسى
كونى ساعت طقوز راده لرنده قرار داده سى كشيده
قلنه جفندن يوزده اون نسبتنده كى بي ايقه لرى
مستصحباً املاك مذكوره پيشگاهنده مامورى
حضورنده حاضر بولملرى بك اوغلى بدايت محكمه سى
اجرا دائره سندن اعلان اولنور .

بدوسك ايليا ذمتنده بك اوغلى بدايت محكمه سى
برنجى حقوق دائره سى اعلاميله محكوم به الهجنى
اولان مبالغ معلومه نك تأمين استيفاسى ايچون مديون
مرقومك عهده تصرفنده اولوب حجى التمش
اولان يدى قلده كورجى حسين اغا محله سنك يدى
قله جاده سنده كائن درينلدى سكسان سكر وعرضى
يوز قرق سكر آرشون كه تخميناً اون اوچ بيك يكرمى
درت آرشونى محتوى ودرورنده برچان التمشه اخشاب
ايكى باب كلبه وبر اخسورى وكيراچاج دولابلى برقيو
ايله حوضى مشتمل بش نومرولى بر قطعه سبزه
بوستانك بروجه ملكيت يكرمى سكر بيك سكر يوز
سهم اعتباريله يدى بيك بش يوز التمش ايكنى سهم
حصه شايه سنك تاريخ اعلاندن اعتباراً اون بش
كون صكره بالمزايده فروخته تشبث اولنه جفندن
طالب اولوب دهها زياده معلومات المق ايستينلرك
بك اوغلى بدايت محكمه سى اجرا دائره سنه مراجعت
ايللرى دائره مذكوره دن اعلان اولنور .

قرتال قضاسى بيات محكمه سى اجرا داره سنده :

سعيد افندى ورته سى خديجه وفاطمة خانملرك
قرتال قصبه سى اهايسندن متوفى قاسم باشالى اسماعيل
اغا ذمتنده بيع بالاستغلال صورتيله مطلوباتى اولان
مبالغ معلومه نك تأمين استيفاسىچون متوفى مومى
اليه عهده تصرفنده اولوب وقوع وفاتيله ورته سنه
انتقالى لازم كلان قرتال قصبه سننده خيرات قيوده
كائن مع كروم باغ ىرى درت بيك غروشده طالبى
عهده سننده تقرر ايتمش اولديغندن تاريخ اعلاندن
اعتباراً يوزده بش ضم ايله طالب اولانلرك قرتال
قضاسى بدايت محكمه سى اجرا دائره سنه مراجعت
ايللرى اعلان اولنور .